

لا حنَّه الليله ولا رنَّه طيفِ الأحاباب ايجمِّعنه  
لا هجمه خيل لا صرخه وين  
وعيون الكافل تحرسنه

\*\*\*\*

إي حرام الليله يدمع أي جفن من هاشميه  
يا حلى لمت أهلها ويا حلى هاي المسويه  
الگمر لخيمها حارس بيده بتار المنيه  
ومن فرات البسمه يسگي چم طفل شربه رويه

وبلخيام أبو سکنة الغيور  
لفى وگام على احبابه يدور

أبو الگلب الحنون الما عرف ضيم

بس وحده الـ ظلت محتاره دمعتهما بخدها تتجارى

أم الأحزان وسط الصيوان

تخفي اللوعه وتخفي الونه

لا حنَّه الليله ولا رنَّه طيف الأحباب ايجمعنه

لا هجمة خيل لا صرخة ويل

وعيون الكافل تحرسنه

\*\*\*\*

لا تنوحي لا تنوحي مسحي دمعج يا عقيله  
نور اخوچ الليله يضيوي وجثته ما هي جديله  
شوفي بسماته أعلى ثغره اتطيّب الروح العليله  
ونظرته الحنيه كلها جنة الله وسلسبيله

بلحضان يلاعب طفلاته

أوتحنان يسلي عيلته

في كل خيماته تهليل وتسابيح

يا حوره ما عود مُهره متخضب من سهمه ونحره

يصهل مذعور دمعاته ثور

وبصوته تتعالى الأئه

لا حنه الليله ولا رنه طيف الأحباب ايجمعنه

لا هجمة خيل لا صرخة ويل

وعيون الكافل تحرسنه

\*\*\*\*

راية الكافل ترفرف      تحرس أهدود المخيم  
سبحته بيده ويكبّر      ودمعه في خده توسّم  
لا سهم طاح اعينه      ولا اعمود الـ راسه هشّم  
سالمة اچفوفه يزيب      بعده ما متخضب ابدم

يزينب      لبس درع الوفا  
وكلامه      تفايض عاطفه

يباري بعينه أطفال ونساوين

سالمة بعده ويحرس خيمات      ما عافچ يم شاطي لفرات

يحضن هالجود      چفه ولزنود

حالف ما تعطش خميتنه

لا حنه الليله ولا رنه طيف الأحباب ايجمعنه

لا هجمة خيل لا صرخة ويل

وعيون الكافل تحرسنه

\*\*\*\*

قرّت اعيونچ يزینب      الله لا أيجیب المصیبه  
بعده عبدالله أعلى مهده      تلولي له امه الغریبه  
غافي طیر الجئنة يحلم      بالندی یا هو الـ یجیبه  
ذابله اشفافه یحوره      وخفف أونینه ونحیبه

إذا صاح      أبو الیمه لفاه  
یشیاله      ومن أشفافه سگاه

وعلى وجناته یمسح دمعۃ العین

لا نحره اتصوب من لسهام      ولا ظل بالبر محزوز الهام

بدمه المظلول      ولا جت اخيول

بالحومه أتدوسه وتطحنه

لا حنه الليله ولا رنه طيف الأحباب ايجمعنه

لا هجمة خيل لا صرخة ويل

وعيون الكافل تحرسنه

\*\*\*\*

نامي هاي الليله نامي يا عسى نوم العوافي  
يمج اليوث الضواري لا تخافي لا تخافي  
واغنمي هالغفوه مدري من يحل بكره أشتوافي؟  
أدري عگلچ يا عقيله نهر ومن أحزانه طافي

أخافن عليچ من الحلم

تشوفين علامات اليتم

وعلى الثرى أهليچ مطاعين

نامي ياحوره أبعيد الشر وأدري عينچ يم العسكر

گلبيچ مرعوب بوناته يذوب

يتنفس آهات ومحنه